

吳文節公遺集

第六冊

吳文簡公遺集

卷六

吳文節公遺集卷六十二

男養原謹編

公牘

批都勻縣詳搶犯病故由

此案該縣初報本未核寔王坤玉原係下手致死事主
之犯該縣故以持棒幫毆殺詳預為問擬軍罪地步耳
今既倖逃顯戮應即戮取首級梟示仰貴州按察司先
飭知之至現詳聲敘照糧船水手例為從幫毆傷非金
刃又非折傷者應擬絞候等語殊令人費解查例載執
持器械倚強肆掠兇暴眾著者照糧船水手例分別首
從定擬糧船水手十人以上執持器械照強盜治罪強

盜殺人不分曾否得財斬決梟示夥盜中殺死人命者
及拒捕慘殺事主雖不動手而在旁目擊助勢者亦均
問擬斬決法所難宥此強盜之例也遍檢並無為從幫
毆傷非金刃又非折傷問擬絞候之條不知該縣所引
是何律例况糧船水手之例首犯照強盜治罪從犯應
減一等與此案殺死事主多人自有搶奪殺人本例可
援者格不相入何事題外尋題耶至搶奪殺人例內有
幫毆刀傷及折傷以上者問擬絞候之文該縣既欲照
糧船水手搶奪之例照強盜治罪卽不得復引搶奪殺
人之例騎牆定拟况該縣初報已將王坤玉做成持棒
幫毆傷痕強僅紫紅色卽應照傷非金刃又非折傷者

發四省充軍矣亦與絞候之例不符種種悖謬寔屬昏庸已極大抵該縣始意欲救生不救死是以將殺死事主三命之案僅以二人擬抵及奉批斥急思改重又思迴護原詳故思照糧船水手辦理而不知糧船水手十人以上之案應照盜案定擬盜案從無絞候罪名該縣於犯供案情既胡謫混做於律義例條又貿然虛造此等有司欲望其戡匪安良整頓地方能乎不能乎並仰該司卽會同布政司迅速嚴察核議稟奪毋稍姑息貽誤也再該縣止有長詳並無書冊本部堂無從備案此又其昏惰之小焉者也亦飭卽補送備案勿忘仍速錄批報明撫部院並候批示繳

批委員黃平州會稟緝獲革夷苗匪浪禾等犯由
上年有高禾等百數十人在鎮遠河內黔楚交界地方
打劫徐守豐玉船上賊物現在該犯等均已回巢安享
何該署州不一查尋耶豈以查無報案遂可藉口偷安
耶仰貴州按察司卽飭該州會同委員務將高禾等首
從各犯偵捕獲案無論有無報案均湏將打劫徐守一
案究出寔供逐一駢誅梟示至現獲各犯亦卽嚴切刑
訊注重擬辦不准以並未夥同搶劫等詞代為做供化
案試觀浪禾之問擬遣罪越獄脫逃怙惡不悛皆從前
不肯據寔辦案之流毒也覆轍如斯可不戒哉再該署
州鄭令人甚平常觀於現稟所稱革匪自上年圍剿之

後未見形跡一語該州終日高坐衙齋飲酒賦詩革匪
走不到該州大堂上來何能見其形跡此一不可靠也
又稱六月到任卽設法跟緝何以直至冬月始獲得一
若有若無之蕩妹三一犯此二不可靠也看來此等官
不過眼光注在上司身上隨意就事搪塞搪塞款其寔
心任事真知弭盜安民万不可得黃平境內苗匪為腹
心之患該司速卽會同藩司審酌遊員接署或卽將已
調之周牧飭令赴任認真整頓庶地方不至貽誤其鄭
令應如何叅辦之處另行詳奪可也仍錄批報明撫部
院並候批示繳

批晉安廳詳黃正明家被竊由

查一百四十千銅錢已有一千餘斤之重又有棉被十床係笨重之物其餘零星衣物斤兩雖不甚重而物夥件瑣亦非十手所能携跑此而謂上盜僅止五人天地間有此情理乎該署廳隨意捏飾不覺說情敗露不獨此一節是謊卽詳稱事主四月間被竊未報十月間經該署廳訪聞詣勘驗係撬洞竄竊洞已修固又十一月事主始赴案補報等語皆係謊也大約事主老者老而壯者急欲外質報案後未據呈催亦未據上控該署廳早已有心諱匿付之不辦忽於十二月不曉事之差役獲得二犯藏匿不了不敢將寔情報出致緇諱匿遲延之咎無可如何遂求救於劣幕捏出訪聞捏出補報

捏出擬同竄竊捏出盜止五人四人空手等語以為事
主老寔可以化案做案為所欺為而不料其詞之遁而
窮也蓋此案寔強劫也黔省盜風之熾皆若輩不肖有
司化案做案之所致也令人髮指皆裂仰貴州按察司
卽飛速移知貴西道提案親審一面會同布政司立將
該署廳撤任詳請嚴叅並遊員委署卽責成接署之員
嚴拏逸盜解道訊辦毋稍刻延仍錄批報明撫部院並
候批示繳

批水城廳神苗盧阿滿等呈控書差賄弊由

此案前據水城廳詳報姪汝貞夥同趙庭貞憑空攔路
拷磕祿本志銀兩牛馬多賊將祿本志身毆多傷祿本

志受傷後越日患病身死本部堂正以姬汝貞等情兇
勢惡祿本志恐是死由於傷非死於病該廳有消弭緝
兇情事批飭貴州按察司提省訊辦在案茲據該苗民
盧阿滿等將祿本志之名抹匿幻出陸俊陸榮二名改
祿字為陸字以瞞贓為賠項謂與姬汝貞無干不敢誣
扳並請提究原控燒殺之案等情究竟陸俊等因何衅
由燒殺殺死何人被燒共有幾家該民等既請提究自
係切己之事呈內轉略而不詳反將姬汝貞如何被誣
該廳書差如何賄弊抽卷唬唬代訴已覺遁詞知窮同
曰又據姬汝貞之妻姬安氏亦控稱該廳以賠項為瞞
贓伊夫遭讎弊屈等語呈訴其呈內不能不將祿本志

之名逗出因亦改祿為陸改志為智又不能竟將姪汝
貞作為事外無辜之人因幻出過銀和息一層種種誘
張兩呈若互相印證又若各訴各情令人不解是一是
二故滋炫惑而其意總不過為姪汝貞辯脫罪名此點
省訟棍之慣伎也看來盧阿滿等均係姪汝貞一党均
係拷磕分肥之人姪汝貞犯罪獲案指使盧阿滿等捏
出燒殺賠贖一案冀圖影射搪抵或盧阿滿等本有與
陸姓控告燒殺另案姪汝貞指使牽入此案捏出賠項
一節以為化贓地步均未可知即現在姪安氏之呈亦
係姪汝貞所為非真姪安氏之自為之也點省苗漢棍
徒磕詐之風急宜痛加懲治而訟棍色詞刁健糾纏不

休尤湏嚴拏嚴辦仰貴州按察司查照該廳歷次詳批
立卽委員守提全案人證卷宗至省委員確切研審務
湏水落石出分別按擬嚴懲並究追訟棍一併拘拏究
辦現在赴轅遞呈之盧阿滿及姬安氏另呈之抱告吳
貴一併押發昆明縣遞解黔臬司衙門收審詞及粘抄
並姬安氏另呈一紙並發審辦仍繳

札興義府捕拏匪犯由

為嚴札飭拏事照得前據該府稟稱據興義縣稟稱寶
寧縣差役藉拏犯為名攜帶槍砲越境滋擾沿村磕詐
搶掠民苗驚避幸經出示撫慰未致釀成巨案等因到
本部堂當經飛札署廣南府知府鎖提該差役等嚴訊

痛懲加等治罪在案查差沒藉拏犯而磕詐為害閭閻
無論在本境鄰境均必應痛加懲辦而地方官諱盜懈
捕隱貽禍患則所關尤鉅溯查廣西省數年以前卽係
粉飾姑息上下相朦致釀成此燎原之禍不肖有司之
貽誤其肉尚足食乎黔省風習亦頗近之地方官縱以
不拏賊遂可不辦案不辦案則上之可託言休養元氣
下之亦可冒稱轄境肅清而上司亦遂以某處無案某
有司可為賢員上下相市以文該有司等不獨不知曲
突徙薪並焦頭爛額而亦不為本部堂蒞任以來時切
隱憂其申誠各屬者亦不啻舌敝唇焦當此鄰省會垣
告警賊焰方張黔中處處可危防堵尚可一息懈弛乎

所謂防堵者禦外侮先湏清內奸防勾結也此時尚可
萌一念之諱匿任一端之大意耶卽如此案寶寧縣差
役在興義縣妄拏滋擾磕詐搶掠此風何可不懲該興
義縣稟報究辦所見甚是第一面稟辦蠹役卽應一面
偵捕盜匪乃據稟稱適有命案欲赴相驗不克分身前
往竟以捕盜之事委之巡檢其實自二月十六至今該
縣並未出有一起命案也此不過託詞偷安耳且其心
先存一我境內並未報有搶劫之案何嘗有賊何必拏
賊亦何苦拏賊其心不獨謂寶寧縣喜事邀功縱差擾
累寔屬不堪並謂本部堂輕聽浮言徒形多事而賊匪
之潛滋暗伏於地方者初不暇顧也此非本部堂之深

文周內也觀於該縣稟內寂然謂王幅寔未藏匿卑縣
地方一語可以知其心矣其稟尾所云匪犯王幅無論
逃匿何處仍飭役嚴密偵緝不敢藉此疏懈等語特了
門面官樣文字耳現在本部堂提訊廣南府等縣各犯
有農卜扭一犯供出王幅並夥黨數人藏匿貴州境內
情形歷歷不爽合亟抄供札飭查拏此供係本部堂自
已手抄非寶寧縣蠹差之妄稟亦非寶寧縣之妄稟現
在本部堂已嚴禁寶寧縣不准監派差役越境拏人並
將該縣失察差役滋擾之處先記大過五次而匪犯王
幅反其夥黨數人不能不責成該府該縣拏交不問如
何拏法不限時日亦不准太遲總須將王幅及有名夥

党等解本部堂衙門訊辦並示得以拒捕格斃誅之虛
無縲紲架空了案也倘該興義縣仍敢固執已見仍以
境內無賊不肯設法偵捕自耽安逸貽患無窮本部堂
惟有專摺指叅而已勿悔該府仍將奉札遵辦緣由先
行稟覆火速飛速特札

批貴東道稟蒞波廳拏獲廣馬十餘人研訊由

現據都勻府稟報前後拏獲滕大五林新發等二十六
犯仰卽督同該府縣研訊明確如果差練兵丁等並無
妄拏無辜報功要賞情事以上各犯寔係從粵西賊中
逃來卽無論在粵西作惡次數現在未點作何勾當立
卽解赴市官駢以誅之梟首界牌地方懸竿示衆一面

開具供摺通稟備案當此賊氛肆熾之時此等案犯斷
無首從可分亦斷無罪名輕重可分更無初審覆審之
常例可循要至各犯中如有供出衆夥所歆勾結之
姓名住址亦卽跟蹤追拏勿稍延誤仍錄批報明撫部
院並移知藩臬兩司知照此繳

批都勾府稟親查荔波團練設卡情形由

荔波有邱貢生籌辦多時似稍嚴密該府自轄地面及
獨山州轄境每處僅設四卡遂足資守禦耶看來該府
仍不過是敷衍門面搪塞上司耳身既未周歷心亦未
籌計也此時該道旣駐荔波查辦該府正應分身周巡
自轄地面並馳赴獨山查照會札頒議說事理目營